

INUIT ATAQATIGIIT INATSISARTUNI



23. maj 2025

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Kalaallit Nunaanni imminut pilersornermut periusissuaq 2025-2030ⁱ siunnerfiit ilaatut allassimavoq assartuusinermit tapiissutinik aaqqissuussenermik iluaqutissartaasut ajoqutissartaasullu misissorneqassasut, suliaq tamanna Naalakkersuisunngorlaannit nangillugu ingerlanneqarpa?**
- 2. Siunnerfiit periusissiami kalaallisuuani qupperneq 32-imi allattorsimasut Naalakkersuisunit suliarineqarlutik ingerlanneqarpat?**
 - A) Akissut aappiuppat suliat sumut killippat?**
 - B) Akissut naamiuppat Naalakkersuisunit periusissiaq malinneqarniarpa?**
- 3. Naalakkersuisunngortunit immitsinnut pilersornerulernissarput qanoq pingaartinneqartigiva?**
- 4. Naalakkersuisut imminut pilersornermut aningaasaliissutinik ukiup tullissaannut atorneqartussanik immikkoortitsinissamut pilersaaruteqarpat?**

(Inatsisartunut ilaasortaq, Mariane Paviassen Jensen, Inuit Ataqatigiit)

Tunngavilersuut:

Qinigaaffik kingulleq Naalakkersuisut nunatsinnut pingaarutilimmik suliaqarput immitsinnut pilersornerulernissarput periusissiormassuk, tamassumallu iluaqutissai arlaliupput aqqutissallu aamma arlaqarlutik. Periusissiap pingaaruteqaqisup asuliinnannginnissaa pisussaaffiliivoq, nunattami imminut nerisassaqaarniarnikkut pilersorneqarnerulernissaata kingunissai pitsaasorpassuusut soqutigisaqartut

INUIT ATAQATIGIIT INATSIARTUNI



takusinnaammassuk. Imminut pilersornerulersinnaanerput piaartumik
aqqutsissiuutissallugu pisussaaffeqarpugut.

Kissaatigaara apeqqutikka ullut suliffiit qulit iluanni akineqassasut.

ⁱ file:///C:/Users/janpl/AppData/Local/Temp/25015341-ecfb-48f4-b8ba-017282da081a_Grnlands%20selvforsyningsstrategi%20kal_WEB.zip.81a/Gr%C3%B8nlands%20selvforsyningsstrategi%20kal_WEB.pdf